

懷麓堂全集

懷麓堂全集

懷麓堂詩藁卷之五

五言古詩

和沈地官時暘遊城西朝天宮韻

歲晏冰雪至，閉門戒深冬。窮陰結屨負，寒氣開鴻濛。
豈徒罷遊謁，客至出亦慵。牀頭抱膝卧，布被圍熏籠。
沈侯心神霽，顏色如春融。十日不一見，何以寫我悰。
朅來城西遊，杖舄誰與同。仙蹤躡樓觀，帝樂聞笙鏞。
巍巍三珠林，中有萬歲峯。俯聽塵世喧，衆竅號秋蛩。
仰瞻逐餘景，流歌遡長風。邈哉虛無教，古昔聖所攻。
君懷度支計，惜此繪畫功。疇哉百川障，頓使狂瀾東。

皇明統六合聲教通蠻戎兩京鬱相望城闕何蔥蔥
龍盤萬嶺合虎踞千山重我昔往觀之湯池帶金墉
君時在南署邀我回青驄周旂絢日月漢掌開芙蓉
層臺與列署照耀當虛空逢僧問堯率訪道疑方蓬
壯懷益磊砢陋目開昏蒙至今暘賢間尚覺百彙克
適遭明良運感激惟寸忠堯門闢賢俊舜法除奸凶
孰云間閭幽上與廊廟通君王垂衣坐百職分卑崇
峩冠謬通籍立在明光宮願爲十尺蘿附君百丈松
君今已彊仕我亦非兒童及時不努力倏忽成老翁
閒官遠書簿夙夜不在公校讐費年月官長多涵容

美醞亦可戀大庖幸相俱文章本非職篆刻徒爲工
班超晚投筆猶得班熊熊吾憐功名遂非慕萬戶封
不然赴林壑此興頗亦濃買田種桑稻躬耕課奴僮
緬思太行愿歛退真吾宗知君負經濟我力非寅恭
論功愧不逮內省面發紅誤將鉛刀鈍欲比鏌鋣鋒
狂言試傾倒拍塞已滿胃君方賈餘勇逸氣凌崆峒
紛然萬丘垤盡在塵埃中勲名唾雙手祿食輕千鍾
平生四方志慷慨隨桑弓遊觀匪獨樂樂事豈易逢
歌以報君意我懷安可窮

與李中含應禎同飲時賜邸歸疊前韻

我昔與君別京華三見冬遠遊隔江海離思沉空濛
相逢問衷曲欲說已復慵吾生苦多難憂患爲樊籠
柔腸結成寸意氣慘不融哀琴與斷瑟曲罷傷遺踪
嗟子亦何爲所遭良獨同微霜降平地響應豐山鏞
一語再三歎對坐蹙兩峯君爲空中鶴我作墻下蛩
孤鳴比咽調各自悲秋風愁城正突兀險絕難爲攻
幸當樽俎間賴此麴蘖功李侯君鄉彥來自東鄰東
劇飲慕太白清談勝王戎當筵列盛饌豈論麥與葱
山薇百種雜海錯千盤重閉門謝俗客不遣窺垣墉
解我腰間魚繫我襟上纓芳詞吐珠玉醉臉開芙蓉

仰視天宇高坐覺浮雲空興狂欲起舞兩袖如旋蓬
向非地主賢感激安所蒙酒酣出詩句卷帙粲已充
得非黃山谷或者蘇文忠初如決洪水勢蹙崇伯凶
又如驟天馬霧鬣天池通如登巨鰲背足躡三山崇
珠光照海月下徹馮夷宮我乃路傍蒿不如山上松
亦不如李桃餘姿媚兒童向來忘得失我已效海翁
狂言久閉口一發偶爲公起辭屢被肘顧我少從容
自言有枰碁可以爲子供勝欣敗亦喜有技豈必工
君看敵國手峙立如貔熊誰云一丸泥可作萬雉封
李侯掀髯笑謂我此味濃推手覆君局餘歡付蒼僮

古來風流事多出文章宗如何嵇阮疏棄禮蔑敬恭
桓桓卞將軍怒頰爲之紅至今想風采齒舌生寒鋒
寧將漱灑杯滌此磊砢胃國賦出兵會王師在崆峒
頻年值水旱力盡經營中微官竟何事簪佩隨朝鐘
平生幾丁字愧彼兩石弓笑談一開口塵世真難逢
從茲戒耽樂樂事慎勿窮

齊山書舍詩

進士王允達讀書處也允達待制忠文公之曾孫義烏人

浙東文獻裔吾見忠文孫讀書金華郡結屋齊山村
舉頭瞰青嶂儼若先公存文章與節義實並茲崑尊
齊山乃支派拱立如諸昆景行在瞻仰極力窮攀援

藏修三十載獻策承明門上書乞鄉校奉祀修蘋蘩
銓曹不爲覆告諭複且溫幽懷耿中夜夢與山靈言
松楸我廬墓桑梓我田園烟雲護我屏風月主我軒
吾方效王事再拜酬深恩終焉丘壑心不愧鶴與猿
山靈颯然去夢覺日已曛竭來登我堂感我思欲騫
卓哉先賢後典刑我所敦斯文孰砥柱浩蕩狂流奔
老成不可作此意更誰論

和蕭封君鳳儀遺詩四十韻

鳳儀吳人早卒
有生辰感興詩

其子工部主
事奎藏于家

世運迭推代昔聞桑海三萬物若久存金石或未堪

君看垂髫子老髯雙鬢髮終焉山丘葵豈論黠與憨
東吳有蕭子結髮稱奇男昂霄出塵壒氣與虹蜺參
少年不自耀外歛中包含置身向經史出入同秋蟬
分陰每自惜癖性久愈耽詞鋒極淬礪理窟窮搜探
文如南山豹空谷凝雙眈光如蒼精龍盤屈在一函
又如鯨鯢輦海底深波涵生當聖明時未獲雨露覃
秋姿折蒲柳晚色凋樟楠流光不少待曦馭無歸驂
生乏軒冕榮死寧丘壑慚寂寥虞山下數尺封如龕
有井勿多汲井竭因泉甘有玉勿頻磨玉折難成簪
寸石不壽聞者心爲酸當年懸弧宴絳帙雖黃柑

華裾亂雲日舞袞迴烟嵐溪魚出越笱隣酒傾吳壘
餘商發古調哀響流沅潭永懷奉母日衣綵隨輿藍
劬勞念罔極往事空遺談色養苦不逮敢於微祿貪
軻機忍復斷路米誰爲擔歌成轉悽惻肝腑攢戈鐔
是時夜正黑狐星暗天南落月噉崑狄悲風嘯林魑
蒼黃三十載蔓艸荒寒菴官曹繼清白舊業惟餅飢
屈建祭無芟嗜好豈不諳坡翁寶畫板身自盟瞿曇
君有孝子誠而無流俗酣貽謀在文字况乃青於藍
遺編襲蜀錦異楮開倭蠶壽公身後名可以齊鏗聊

陳王汝所藏朱澤民畫

睢陽書家流作畫如作艸松根石峻
噌健筆凌絕島垂蘿飄人衣盤石坐
不掃鳴琴聲差差石籟風稍稍君看
蕭散姿稱彼林下老遺縑百年內嵐
氣濕不槁陳郎湖海情得此恨不早
我生不學畫入眼分醜好嘗觀耆舊
傳歎息風流少此意君獨知丹青安
足道

寄題謝寶慶逸老堂得乞字

寓形大塊間俯仰孰非物復爲物所
累轆軋何終訖君昔守湖南馳驅奉
綸綍晨興必簿訟夜坐猶佩鞬民憂
與國計我抱怛鬱鬱居愁嵐霧蒸路
駭沍飈飈秋霜復春露歲月胡太倏
遙憐使華返歸念朝衣拂

孤桐載遷輕五柳載始苑大台峻嶺登淪胡清可被
鍾阜休移文鑑湖安用乞逸驥方脫銜其鴻不受罣
天時迭推代物理有伸屈達人諒空然吾道豈云第
行藏二十載夢覺徒勞勞萬事付三緘高談不如吃
心閒力愈律百疾謝攻慰曠懷浩無涯勁氣老猶屹
思君遠莫觀行彼高風屹起望赤城霞文光正輝蔚
和謝于喬修撰雲山圖聯句韻兼懷沈仲律
俯仰天地間吾人有高興圖書亦偶逢詩壇乃前定
屏當廣座設壁與長楸肩山懷恍百結醉眼豁雙情
沃瑩平若掌橫波意如經縹雲濤將沉瀚海寒欲凌

中峯儼尊黃泉壑分婢腰羣切訝空謬百折愁絕磴
包羅引地絡混沌洩天孕烟橫似張幃露濕同覆甌
崑崙繞將然谷鳥呼若醒憑虛敞軒闌眺遠失梯筵
塵清望馬役地渴晴蜺蒸江光晃無垠石籟差可聽
得非葦蕒泝或者柴桑徑洗耳幽澗泉清心遠林磬
閒貪野芳採飽厭山殺竹流光難把玩富貴安足凭
樂事希狂曾明時豈愚竊求之不可得何以攀逸乘
流水宿有期幽蘭香誰贈吾生尚驅逐茲意方踴躍
憶當風日佳樂此賓主勝幽期予獨負往券真足謔
重披意俱新未接神已疑雄誇鳳樓手規制皆畧稱

苦憶牙冠翁風流遠猶賸坑賞在樽壘淹留謝韉鐙
多才復愛客吾語非子佞努力青雲期交盟豈虛訂
竹岡別業

崇岡何逶迤叢竹蔚交翠下有幽人居蕭然絕蕪穢
繁陰坐層逕落葉時一墜緬懷塵外遊及此林下醉
從來泉石性不愛軒冕貴呼酒酬此君與子終晚歲
媚哉東園菜寂寞有餘愧平生貞晦情茲物乃其類
欲作招隱歌羞爲宦途說因君憶林壑未免形骸累
炎天增鬱蒸中夜不得寐遠睇天東南涼秋起遐吹

題瀛州圖送陸翁東歸

開門六月雨堆案多詩書陸君索我詩僮僕走且呼
麾之不肯去堅卧庭前除一朝再三至我已愧此奴
空堂展圖畫倦眼開模糊層樓挾翥鳳倒景凌飛鳧
翠羽色婀娜金支光有無依微動天籟彷彿聞笙竽
不知何方境乍可留須臾昔逢滄洲子云是登瀛圖
如聞六合外復有真蓬壺吾方困炎溽頗欲超寰區
自嗟塵凡骨或與神仙殊若家老仙客被服雲霞裾
仰視園中人飄飄豈其徒當携方平子共解雙明珠
垂竿拂海月舉手招天吳吾能操几杖欲往不得俱
惟將作詩意目送歸江湖

帥召席上餞邵文敬戶部使淮安得作字

玄雲鬱重陰霖雨久逾大
平田偃頽波萬彙同一挫
纍纍黍穗落百畝不盈箇
淮陽舊室麥未足供餽磨
稊稗價亦增誰能問粳糯
官租苦未給生理安可作
城市多游民山林有遺餓
流離及溝壑去住總無柰
地連兩畿邇業恐千家被
近聞恩詔下已放今年課
漢臣發諸廩唐法通百貨
王事須賢勞地曹有良佐
名辭鴻臚籍檄自尚書座
行哉車馬艱詎免泥塗涴
東南民力竭要使皇仁播
官雖問升斗職豈在揚簞
平生翰墨場珠玉生咳唾
簿書劇裁決餘暇得酬和